

文帝正宗
十四

文章正宗復刻卷第二十三

叙事

叙漢王築壇拜信

西漢書下同

信數與蕭何語。何奇之。至南鄭。諸將道亡者數十人。信度何等已數言上。不我用。即亡。何聞信亡。不及以聞。自追之。人有言上曰。丞相何亡。上怒如失左右手。居一二日。何來謁上。且怒且喜。罵何曰。若亡何也。何曰。臣非敢亡。追亡者耳。上曰。所追者誰也。曰。韓信。上復罵曰。諸將亡者以十數。公無所追。追信詐也。何曰。諸將易得。至如信。國士無雙。王必欲長王漢中。無所事信。必欲爭天下。

非信無可與計事者。顧王策安決。王曰。吾亦欲東耳。安能鬱鬱久居此乎。何曰。王計必東。能用信。信卽留。不能用信。信終亡耳。王曰。吾爲公以爲將。何曰。雖爲將。信不留。王曰。以爲大將。何曰。幸甚。於是王欲召信。拜之。何曰。王素嫚無禮。今拜大將。如召小兒。此乃信所以去也。王必欲拜之。擇日齋戒。設壇場。具禮。乃可。王許之。諸將皆喜。人人各自以爲得大將。至拜。乃韓信也。一軍皆驚。信已拜上坐。王曰。丞相數言將軍。將軍何以教寡人計策。信謝。因問王曰。今東鄉爭權天下。豈非項王邪。上曰。然。信曰。大王自料。勇悍仁彊。孰與項王。漢王默然良久曰。

弗如也。信再拜賀曰。惟信亦以為大王弗如也。然臣嘗

事項王。請言項王為人也。項王喑啞叱咤。千人皆廢。喑啞。

悲怒聲也。叱咤。然不能任屬賢將。此特匹夫之勇也。項

王見人恭謹。言語姁姁。姁姁和好貌。人有疾病。涕泣分食飲。

至使人有功。當封爵。刻印。刵忍不能予。刵音利。角之刵。搏同。手弄角詭。

不忍也。此所謂婦人之仁也。項王雖霸天下而臣諸侯。不

居關中而都彭城。又背義帝約。而以親愛王諸侯。不平。

諸侯之見項王。逐義帝。置江南。亦皆歸逐其主。自王善

地。項王所過。亡不殘滅。天下多怨。百姓不親附。特劫於

威彊服耳。名雖為霸。實失天下心。故曰。其彊易弱。今大

王誠能反其道。任天下武勇。何所不誅。以天下城邑封功臣。何所不服。以義兵從。思東歸之士。何所不悅。且三秦王爲秦將。將秦子弟數歲。而所散亡不可勝計。又欺其衆降諸侯。至新安。項王詐阬秦降卒二十餘萬人。唯獨邯欣翳得脫。秦父兄怨此三人。痛入骨髓。今楚彊以威王此三人。秦民莫愛也。大王之入武關。秋毫亡所害。除秦苛法。與民約。法三章耳。秦民亡不欲得大王。王秦者。於諸侯之約。大王當王關中。關中民咸知之。王失職之蜀。民亡不恨者。今王舉而東。三秦可傳檄而定也。於是漢王大喜。自以爲得信。晚遂聽信計。部署諸將所擊。

部分而署。漢王舉兵東出陳倉。定三秦。置之也。

叙韓信破趙

趙王成安君陳餘。聞漢且襲之。聚兵井陘口。號稱二十萬。廣武君李左車說成安君曰。聞漢將韓信。涉西河。虜魏王。禽夏說。新喋血關。與喋音牒。今乃輔以張耳。議欲以下趙。此乘勝而去國遠鬪。其鋒不可當。臣聞千里餽糧。士有饑色。樵蘓後爨。師不宿飽。今井陘之道。車不得方軌。騎不得成列。行數百里。其勢糧食必在後。願足下假臣奇兵三萬人。從間路絕其輜重。足下深溝高壘。勿與戰。彼前不得鬪。退不得還。吾奇兵絕其後。使野無所掠。

鹵不至十日。兩將之頭可致戲下。

戲讀曰麾

願君留意臣之

計否。必爲二子所禽矣。成安君儒者。常稱義兵。不用詐

謀奇計。謂曰。吾聞兵法。什則圍之。倍則戰之。今韓信兵

號數萬。其實不過數千。能千里襲我。亦以罷矣。今如此

避弗擊。後有大者。何以距之。諸侯謂吾怯。而輕來伐我。

不聽。廣武君策信使間人窺知其不用。還報。則大喜。乃

敢引兵遂下。未至井陘口三十里止舍。夜半傳發。選輕

騎二千人。

傳發。傳令軍中使發也。

人持一赤幟。從間道草山而望

趙軍。

草音蔽。依山自覆。蔽使敵不見也。

戒曰。趙見我走。必空壁逐我。若

疾入。拔趙幟。立漢幟。

若汝也。

令其裨將傳餐。

小飯曰餐。破趙後乃當共

也。食曰。今日破趙會食。諸將皆嘸然。陽應曰諾。嘸音撫。不精明。

也。信謂軍吏曰。趙已先據便地。壁且彼未見大將旗鼓。

未肯擊前行。恐吾阻險而還。乃使萬人先行。出背水陳。

趙兵望見。大笑。平旦。信建大將旗鼓。鼓行出井陘口。趙

開壁擊之。大戰良久。於是信張耳佯棄鼓旗。走水上軍。

走。趙也。復疾戰。趙果空壁爭漢旗鼓。逐信耳。信耳已入

水上軍。軍皆殊死戰。不可敗。殊。絕也。謂決意必死。信所出奇兵二

千騎者。候趙空壁逐利。即馳入趙壁。皆拔趙旗幟。立漢

赤幟二千。趙軍已不能得信耳等。欲還歸壁。壁皆漢赤

幟。大驚。以漢爲皆已破趙王將矣。遂亂道走。趙將雖斬

敘事

之弗能禁。於是漢兵夾擊。破虜趙軍。斬成安君泚水上。

叙留侯致四皓

上欲廢太子。立戚夫人子趙王如意。大臣多爭。未能得堅決也。呂后恐不知所爲。或謂呂后曰。留侯善畫計。上信用之。呂后乃使建成侯呂澤劫良曰。君常爲上謀臣。今上日欲易太子。君安得高枕而卧。良曰。始上數在急困之中。幸用臣策。今天下安定。以愛欲易太子。骨肉之間。雖臣等百人何益。呂澤彊要曰。爲我畫計。良曰。此難以口舌爭也。顧上有所不能致者四人。顧念也。四人謂東園公。綺里季。夏黃公。用里先生。四人年老矣。皆以上嫚嫚士。故逃匿。所謂商山四皓也。

山中義不爲漢臣。然上高此四人。今公誠能毋愛金玉
璧帛。令太子爲書。卑辭安車。因使辯士固請。宜來。來以
爲客。時從入朝。令上見之。則一助也。於是呂后令呂澤
使人奉太子書。卑辭厚禮。迎此四人。四人至。客建成侯
所。漢十一年。黥布反。上疾。欲使太子往擊之。四人相謂
曰。凡來者將以存太子。太子將兵。事危矣。廼說建成侯
曰。太子將兵。有功則位不益。無功則從此受禍。且太子
所與俱諸將。皆與上定天下。梟將也。今廼使太子將之。
此無異使羊將狼。皆不肯爲用。其無功必矣。臣聞母愛
者子抱。今戚夫人日夜侍御。趙王常居前。上曰。終不使

不肖子居愛子上。明其代太子位必矣。君何不急請呂后。乘間爲上泣言。黥布天下猛將。善用兵。今諸將皆陛下故等夷。廼令太子將此屬。莫肯爲用。且布聞之。鼓行而西耳。上雖疾。彊載輜車。卧而護之。諸將不敢不盡力。上雖苦。彊爲妻子計。於是呂澤夜見呂后。呂后承間爲上涕泣而言。如四人意。上曰。吾惟豎子。固不足遣。廼公自行耳。於是上自將而東。群臣居守。皆送至霸上。良疾彊起。至曲郵。見上曰。臣宜從。疾甚。楚人剽疾。願上慎毋與楚爭鋒。因說上令太子爲將軍。監關中兵。上謂子房雖疾。彊卧傅太子。是時叔孫通已爲太傅。良行少傅事。

漢十二年。上從破布歸。疾益甚。愈欲易太子。良諫不聽。因疾不視事。叔孫太傅稱說引古。以死爭太子。上陽許之。猶欲易之。及宴。置酒。太子侍。四人者從太子。年皆八十有餘。鬚眉皓白。衣冠甚偉。上怪。問曰。何爲者。四人前對。各言其姓名。上廼驚曰。吾求公。避逃我。今公何自從吾兒游乎。四人曰。陛下輕士。善罵臣等。義不辱。故恐而亡匿。今聞太子仁孝。恭敬愛士。天下莫不延頸願爲太子死者。故臣等來。上曰。煩公幸卒調護太子。四人爲壽已畢。趨去。上目送之。召戚夫人指視曰。我欲易之。彼四人爲之輔。羽翼已成。難動矣。呂氏與廼至矣。廼汝戚夫也。

人泣涕上曰爲我楚舞。吾爲若楚歌。若亦歌曰鴻鵠高
飛一舉千里。羽翼以就。橫絕四海。橫絕四海。又可奈何。
雖有矰繳。尙安所施。歌數闋。曲終曰闋戚夫人歔歔流涕。上
起去。罷酒。竟不易太子者。良本招此四人之力也。

叙周勃戰功

高祖爲沛公。初起。勃以中涓從攻胡陵。下方與。音房方
與反。與戰。卻敵。攻豐。擊秦軍。碭東。還軍留。及蕭。復攻碭。
破之。下下邑。先登。賜爵五大夫。攻蘭虞。取之。擊章邯車
騎。殿。殿之言填也。謂鎮軍後以扞敵。勃擊破章邯之殿兵也。畧定魏地。攻轅戚東。
緡以徃。至栗。取之。攻齧桑。先登。擊秦軍阿下。破之。追至

潁陽下蘄城攻都關定陶襲取宛朐得單父令夜襲取

臨濟攻壽張以前至卷破李由雍邱下攻開封先至城

下爲多。

如碭自初起沛還至碭一歲二月楚懷王封沛公號武

安侯爲碭郡長沛公。拜勃爲襄贛令。肥贛音從沛公定魏。

地攻東郡尉於成武破之攻長社先登攻潁陽緱氏絕

河津擊趙賁軍尸北。賁音奔。尸即尸鄉。南攻南陽守齒破武關。

曉闢攻秦軍於藍田。至咸陽滅秦。項羽至。以沛公爲漢

王漢王賜爵爲威武侯。從入漢中。拜爲將軍。還定三

秦賜食邑懷德攻槐里好時最於將率之中北擊趙音

內史保於咸陽。最北救漆。漆扶風縣。擊章平姚卬軍。西定汧。

汧亦扶風縣。音口肩反。還下郿。頻陽。郿卽岐州郿縣。頻陽在櫟陽東北。圍章邯廢

邱。破之。西擊益巳軍。破之。章邯將也。攻上邽。東守峽關。擊項

籍。攻曲遇。最。曲音邱。禹反。遇音顒。還守敖倉。追籍。籍已死。因東定

楚地。泗水東海郡。凡得二十二縣。還守雒陽。櫟陽。賜與

潁陰侯。共食鍾離。以將軍從高祖擊燕王臧荼。破之。易

下。所將卒當馳道爲多。當高祖所行之前。賜爵列侯。剖符。世世

不絕。食絳八千二百八十戶。以將軍從高帝擊韓王信。

於代。降下霍人。以前至武泉。縣屬雲中。擊胡騎。破之。武泉北。

轉攻韓信軍銅鞮。破之。還降太原六城。擊韓信胡騎。晉

陽下破之。下晉陽。後擊韓信軍於砦石。砦音沙地名也破之。追

北八十里。還攻樓煩三城。因擊胡騎平城下。所將卒當

馳道為多。勃遷為太尉。擊陳豨屠馬邑。所將卒斬豨將

軍乘馬降。姓乘馬名降也轉擊韓信。陳豨趙利軍於樓煩。破之。

得豨將宋最。鴈門守圉。國者鴈門守之名音下頓反因轉攻得雲中

守。邀丞相箕肄將軍博。邀古速字定鴈門郡十七縣。雲中郡

十二縣。因復擊豨。靈邱破之。斬豨。得丞相程縱。將軍陳

武。都尉高肄。定代郡九縣。燕王盧綰反。勃以相國代樊

噲。將擊下薊。即幽州薊縣得綰大將抵丞相偃守陘。盧綰郡守陘其

名也太尉弱御史大夫施屠渾都。姓施屠名渾都破綰軍。

上蘭後擊綰軍沮陽沮音阻縣名屬上谷追至長城定上谷十二

縣右北平十六縣遼東二十九縣漁陽二十二縣最從

高帝得相國一人最者凡也總言其攻戰克獲之數丞相二人將軍二

千石各三人別破軍二下城三定郡五縣七十九得丞

相大將各一人勃為人木彊敦厚木謂質樸彊音其兩反高帝以

為可屬大事

叙樊噲戰功

漢王賜噲爵為列侯號臨武侯遷為郎中從入漢中還

定三秦別擊西丞白水北西謂隴西郡西縣也白水名經西縣東南流而過言擊

西縣之丞於白水之北擁輕車騎雍南破之從攻雍釐城先登擊